

Na osnovu člana 19. stav 1. tačka a) i člana 50. stav 1. tačka b) Ustava Zeničko-dobojskog kantona, člana 138. stav (3) i (5) i člana 167. stav (2) Zakona o izvršnom postupku ("Službene novine Federacije Bosne i Hercegovine", broj: 32/03, 52/03, 33/06, 39/06-isp., 39/09 i 74/11-ous) i člana 16. stav 4. Zakona o Vladi Zeničko-dobojskog kantona – Prečišćeni tekst ("Službene novine Zeničko-dobojskog kantona", broj 7/10), a u vezi sa tačkom 31., 32. i 34. Odluke Ustavnog suda Bosne i Hercegovine, broj: AP-545/09 od 23.02.2012. godine, Vlada Zeničko-dobojskog kantona, na prijedlog Ministarstva finansija, na 61. sjednici, održanoj 18.04.2012. godine, d o n o s i

ZAKLJUČAK

I.

Vlada Zeničko-dobojskog kantona iskazuje svoju spremnost da se planiranjem svake godine adekvatnih novčanih iznosa u Budžetu Kantona, iz kojih bi se mogla izvršiti postepena isplata dugovanja svim povjeriocima u razumnom roku, u skladu sa važećim federalnim Zakonom o izvršnom postupku i kantonalnim Zakonom o izvršavanju Budžeta, ispuni obaveza Zeničko-dobojskog kantona na osiguravanju poštivanja ljudskih prava – prava na izvršavanje pravosnažnih sudskih odluka iz člana 6. stav 1. Evropske konvencije, uključujući i pravo na imovinu iz člana 1. Protokola 1. uz Evropsku konvenciju.

II.

Vlada Zeničko-dobojskog kantona će posebnim rješenjem formirati interresornu radnu grupu čiji će zadatak biti:

- napraviti ukupan zbir i listu svih novčanih potraživanja (glavnica i kamate), koje Zeničko-dobojski kanton mora isplatiti iz svojih budžetskih sredstava na osnovu izvršnih sudskih odluka, te da vrše redovno ažuriranje navedenih podataka sve dok za to bude postojala potreba,
- izraditi Centralnu evidenciju potraživanja svih povjerilaca, koja treba biti sačinjena prema datumu njihovog izvršnog naslova sa evidentiranim isplatama (ukoliko ih je bilo), te sa redosljedom daljnje isplate, koja bi bila transparentna u odnosu na ostale povjerioce, kako bi se izbjegle sumnje da nekome može biti izvršena isplata prije nego što je njegov izvršni naslov došao na red čime bi se obezbijedile garancije imaoocima izvršnih naslova da će u razumnom roku moći naplatiti svoja novčana potraživanja od Zeničko-dobojskog kantona,
- sinhronizovanje rada svih organa na izvršavanju navedenih aktivnosti i sublimiranje svih prikupljenih podataka,
- izraditi pregled aktivnosti na implementaciji odredaba Odluke Ustavnog suda BiH,
- sačiniti informaciju za Vladu Zeničko-dobojskog kantona.

Rok za izvršenje navedenog zadatka je 30.06.2012. godine.

III.

Zaključak stupa na snagu danom donošenja.

Broj: 02-_____/12.

Datum, 18.04.2012. godine

Zenica

PREMIJER

mr.sci. Fikret Plevljak, dipl.ing.

DOSTAVLJENO:

- 1x Stručna služba Skupštine,
- 1x Imenovanim članovima Interresorne radne grupe (putem organa koje predstavljaju),
- 1x Ustavni sud Bosne i Hercegovine,
- 1x Ministarstvo za pravosuđe i upravu,
- 1x Premijeru i svim ministrima u Vladi ZDK,
- 1x a/a.